

Segun abogado Carlo, Joran van der Sloot ta mantene cu e ta inocente



ORANJESTAD (AAN): Despues cu e tres sospechosonan den e caso di Natalee Holloway a presenta dilanti di e huez cu a bin for di Curaçao, pa trata prolongacion di nan detencion, Abogado di Joran van der Sloot Antonio Carlo a combersa cu e miembronan

di prensa presente. El a splica cu Huez Comisario a scucha peticion di Ministerio Publico pa prolonga e detencion di Joran cu 60 dia. Defensa a oponer e peticion aki. Carlo a bisa cu su cliente ta mantene su inocencia. Segun e abogado Huez

verbalmente a duna O.k pa e abogadonan entrante ayera haya permiso di ta presente, durante di interrogacion di nan cliente.

A puntra Carlo riba e echo cu Diadomingo polis a hiba su cliente na e beach banda di Marriott.

Carlo a bisa cu e no tabata na

altura cu esaki lo a bay tuma lugar.

E sesion di ayera tabata hopi mas cortico cu biaha pasa y segun e abogado esaki tabata tin di haber cu e echo cu nan a repasa hopi di e documentonan caba y cu cada biaha cu pidi otro prolongacion, lo mester bin

cu mas evidencia y cada biaha esaki a bira mas dificil pa Fiscal.

TELEFONNAN DI DIARIO 582-6747 FAX 582-8551
